



Australian Government



# Vakcine protiv COVID-19 za djecu i tinejdžere: informacije za roditelje i staratelje

Zadnje ažuriranje: 10. januara 2022

Vakcina protiv COVID-19 je odobrena i preporučuje se za osobe starije od 5 godina. Sada se mogu zakazati termini za vakcinaciju protiv COVID-19 za djecu u dobi od 5 i više godina.

Spikevax (Moderna) je odobrena i preporučuje se osobama od 12 i više godina. Trenutno se procjenjuje za djecu u dobi 6 do 11 godina.

## Zašto se djeca i tinejdžeri trebaju vakcinisati?

Postoji mnogo razloga zašto se djeca i tinejdžeri trebaju vakcinisati protiv COVID-19, uključujući:

- da se zašтите od zaraze od COVID-19
- da se smanji rizik od teške bolesti, dugotrajnih nuspojava ili dugotrajnog COVID-a
- da im pomogne im da se vrate u školu
- da ponovo uspostave vezu sa svojom porodicom i prijateljima
- da ponovo rade ono u čemu uživaju, kao što su timski sportovi, odlasci na koncerte i putovanja, i
- da uspore širenja virusa u zajednici.

Vakcinacija protiv COVID-19 također štiti njihovu:

- rodbinu
- prijatelje
- školske drugove i
- saigrače.

## Kako vakcine protiv COVID-19 djeluju?

Vakcine protiv COVID-19 mogu spriječiti da se jako razbolimo od COVID-19. Vakcine uče tijelo da se riješi COVID-19 ako dođete u kontakt s njim.

Pfizer i Moderna vakcine ne sadrže nijedan živi virus i ne mogu vam dati COVID-19.

## Šta očekivati nakon vakcinacije

Vakcina počinje da štiti od COVID-19 otprilike 2 do 3 sedmice nakon prve doze.

Zato je važno da vaše dijete i dalje bude sigurno i da:

- upražnjava higijenske mjere, kao što je pranje ruku
- održava razmak od drugih ljudi od 1.5 metara
- pridržava se ograničenja javnih okupljanja, i
- razumije kada i kako da se izolira ako je potrebno.

## Hoće li imati nuspojave?

Dijete može osjetiti neke nuspojave nakon vakcinacije. Većina nuspojava ne traje duže od nekoliko dana i dijete će se bez problema oporaviti. Uobičajene reakcije na vakcinaciju uključuju:

- bol u ruci
- blagu groznicu
- glavobolju.

Ako ste zabrinuti u vezi simptoma vašeg djeteta, više informacija možete dobiti na [www.health.gov.au](http://www.health.gov.au) ili nazovite National Coronavirus Helpline na **1800 020 080**. Za usluge tumačenja, nazovite **131 450** i zatražite National Coronavirus Helpline.

O svim nedoumicama ili pitanjima koja imate o vakcinaciji protiv COVID-19 možete razgovarati i sa svojim ljekarom ili zdravstvenim radnikom prije nego što dijete primi vakcinu.

## Koju će vakcinu dobiti moje dijete?

Postoje određene razlike u vakcinama protiv COVID-19 za djecu od 5 do 11 godina i za osobe od 12 i više godina.

Djeca od 5 do 11 godina dobiće 2 doze vakcine u razmaku od 8 sedmica. Ovo se može skratiti na najmanje 3 sedmice u posebnim okolnostima. Doza za djecu od 5 do 11 godina je jedna trećina doze za osobe starije od 12 godina.

Djeca od 12 godina i starija će primiti 2 doze vakcine u razmaku od 3 do 6 sedmica.

## Zapamtite kada je termin za drugu vakcinu

Važno je da dijete dobije dvije doze vakcine, jer druga doza pruža potpunu zaštitu od COVID-19 i osigurava da zaštita traje duže.

## Saglasnost

Od roditelja se može tražiti da daju saglasnost da njihovo dijete primi vakcinu.

Općenito, roditelj ili zakonski staratelj djeteta ima ovlaštenje da pristane na vakcinaciju. U nekim državama i teritorijama, stariji adolescenti možda mogu sami dati svoj pristanak.

Vakcina protiv COVID-19 koju je vaše dijete primilo bit će unesena u djetetov Immunisation History Statement. Ako vaše dijete ima 14 godina i više, iz razloga privatnosti više ne možete pristupiti Australian Immunisation Record. Možete dobiti izvještaj o djetetovoj istoriji imunizacije ako imate djetetov pristanak. Više informacija je dostupno putem Services Australia <https://www.servicesaustralia.gov.au/how-to-get-immunisation-history-statement>

## Više informacija

Za više informacija o vakcinama protiv COVID-19 posjetite [www.health.gov.au/covid19-vaccines-languages](http://www.health.gov.au/covid19-vaccines-languages) ili nazovite National Coronavirus Helpline na **1800 020 080**. Za usluge tumača, nazovite **131 450** i tražite National Coronavirus Helpline.